

Riba e topico di SETAR y Aruba Wireless Solution!

Minister Junior Croes ta organiza un discusion Nacional

ORANJESTAD (AAN): Diabierna atardi DIARIO a ricibi copia di e carta cu Minister Junior Croes a manda pa Sindicato, Gobernador, Consejo di Minister, Parlamento y tur prensa, den cual e ta participa na e sindicatonan di su decision pa temporalmente suspender ehecutacion di su maneho riba telecomunicacion, específicamente independizacion di Setar y institucion di Aruba Wireless Solutions.

Motibo di esaki ta pa e duna inicio na un discusion nacional cu participacion di e gremionan cu ta worde afecta pa e industria, inclusive e sindicatonan. Den su carta e ta bisa tambe di ya a inicia cu e preparacionnan pa un plataforma nacional di telecomunicacion. Esaki ta un iniciativa di parti di Minister Junior Croes cu ta di aplaudi kende ta demostra un biaha mas di no tin nada di sconde riba e asunto aki. Al contrario, e mandatario a dicidi di tuma e iniciativa aki pa demostra un biaha mas na pueblo di Aruba di e transparencia cu e ta hiba den su maneho.

Mirando e meta di Minister Junior Croes pa haci telecomunicacion un industria y no un telefoondienst, ta di suma importancia pa e plataforma nacional aki inicia cu rapidez pa asina no crea mas estagnamento den e vision aki di e mandatario. International



Telecommunications Union di Nacionnan Uni ya a constata den investigacion haci pa e mercado local cu Aruba ya ta campando cu un retrazo formal pa loke ta trata desaroyo di telecomunicacion. Lamentable ta cu opositornan no ta mira e importancia di esaki pero simplemente ta mira ki probecho politico nan por saca di henter e proceso aki.

Especialmente si tene na cuenta cu ya 22 di September 1993 Gobierno di MEP a tuma e decision pa privatiza SETAR. Mas dificil esaki ta haci pa nos comprende e oposicion di MEP y e sindicato. Mescos cu den tempo di WEB y recientemente e inde-

pendizacion di Aeropuerto, gran parti di e trahadornan a drenta den e servicio di e NV en cuestion. Esnan cu no tabata kier a haya e oportunidad pa keda ambtenaar y haya traslado pa un otro departamento di Gobierno.

Pero si awe bo puntra un empleado di WEB of un di AAA, nos ta sigur cu no tin ni'un cu ta arrepenti di a drenta den servicio di e N.V.. E beneficianan salarial y secundario cu nan ta haya den e N.V., nan no por haya den Gobierno nunca. Ni e penshun nan a perde. Esaki ta locual cu e mandatario lo kier pa SETAR y su empleadonan.

E motibo di Aruba Wireless Solutions ta pa engrandecer e mercado di celular cu actualmente bao di SETAR ta conta cu alrededor di 4 pa 5 mil abonado mientras cu na Aruba tin e mercado pa 28 mil abonado. Cu Aruba Wireless Solutions nos por conquista e mercado aki cu ta crea un entrada adicional pa Gobierno di Aruba di 70 milyon Florin durante un periodo di 10 aña segun estudio di ITU. Esaki ta



MINISTERIE VAN VERVOER, COMMUNICATIE,
UTILITEITEN EN SPORT

Na Directiva di Sindicatonan:
S.T.T.
SEPA
S.T.A.

Oranjestad, 6 november 1998

Mediante e carta aki mi ta informa boso directiva di e decision cu mi a tuma pa suspender temporalmente e ehecutacion di mi maneho riba telecomunicacion, específicamente independizacion di SETAR y institucion di Aruba Wireless Solutions.

Motibo di e suspension aki ta pa asina primeramente duna inicio na un discusion nacional riba e topico aki den cual tur gremio aki na Aruba cu ta wordo afecta pa e industria, lo haya participacion pa asina culminar e discusion aki den Parlamento di Aruba.

Mi a duna inicio na e preparacionnan pa asina organisa e "plataforma nacional riba telecomunicacion". Pa boso informacion, 3 di november ultimo mi a entrega un peticion na Presidente di Parlamento solicitando pa un reunion publico durante cual lo mester discuti e futuro di SETAR y Aruba Wireless Solutions.

Ayuntamento

Gilbertus F. Croes Jr., MBA
Minister di Transporte, Comunicacion,
Utilidad y Deporte.

c.c.: Gobernador di Aruba
Consejo di Minister
Parlamento di Aruba
Prensa

L.G. Smith Blvd. 76, Aruba, Dutch Caribbean. • Tel. (297)-824900/839114 • Fax. (297)-835985

e meta di Gobierno, esta di mester consolida economia di crea un diversificacion cu nos pais Aruba.